



HEBAHAN MENGENAI AKTIVITI PENGAJARAN DAN PEMBELAJARAN SEMESTER PERTAMA 2022/2023

Kepada semua staf dan pelajar:

1. Sebagaimana termaklum, Semester Pertama 2022/2023 untuk pelajar Asasi Sains Pertanian dan diploma akan bermula masing-masing pada 1 dan 8 Ogos 2022. Manakala Semester Pertama 2022/2023 untuk pelajar bachelor dan pascasiswazah akan bermula pada 10 Oktober 2022.
2. Senat Universiti Putra Malaysia pada mesyuaratnya yang ke-706 pada 21 Julai 2022, setelah menimbang situasi semasa, bersetuju memutuskan seperti berikut:
 - (a) Pada dasarnya semua pelajar dikehendaki kembali ke kampus pada Semester Pertama 2022/2023. Bagaimanapun, aktiviti Pengajaran dan Pembelajaran (PdP) boleh dikendalikan secara hibrid dalam tempoh tujuh (7) minggu pertama untuk pelajar diploma, bachelor dan pengajian siswazah. Dengan ini pelajar antarabangsa yang tidak dapat kembali ke kampus boleh mengikuti PdP secara dalam talian. Fakulti/Sekolah/Pusat diminta menentukan mekanisme pelaksanaan PdP hibrid.
 - (b) Selepas minggu ke-7, semua pelajar termasuk pelajar antarabangsa yang berada di luar negara dikehendaki kembali ke kampus. Walau bagaimanapun pelajar yang tidak boleh mengikuti sesuatu kursus yang perlu dijalankan secara fizikal termasuk pelajar antarabangsa yang masih berada di luar negara dan tidak dapat kembali ke kampus, hendaklah menggugurkan kursus berkenaan daripada pendaftaran atau jika perlu, hendaklah menangguhkan pengajian masing-masing pada Semester Pertama 2022/2023.
 - (c) Sekiranya masih terdapat keperluan, atas pertimbangan khas Dekan/Pengarah Fakulti/Sekolah/Pusat, aktiviti PdP secara hibrid boleh diteruskan selepas minggu ke-7.
3. Tanpa menjejaskan perenggan 2 di atas, semua aktiviti PdP bagi program Asasi Sains Pertanian pada dasarnya akan diadakan secara fizikal sepanjang Semester Pertama 2022/2023.
4. Sila hubungi Dekan/Pengarah masing-masing untuk butiran lanjut.

Sekian dimaklumkan. Terima kasih

Saya yang menjalankan amanah,

PROF. DR. ISMI ARIF BIN ISMAIL

Timbalan Naib Canselor (Akademik dan Antarabangsa)